



საქართველოს
მედიატორთა
ასოციაცია

საქართველოს მედიატორთა ასოციაცია



2022 წლის იანვარი-მარტი

გვ.2

2022 წლის 1 იანვრიდან ამოქმედდა მედიატორთა განგრძობადი პროფესიული განვითარების პროგრამა

გვ. 7

ბოლნისში ახალი სასამართლო მედიაციის ცენტრი გაიხსნა

გვ.17

USAID-ის მხარდაჭერით მედიატორთა ასოციაციის ორგანიზებით განხორციელდა მედიაციის/მედიატორთა ტრენერთა ტრენინგი

საინფორმაციო ბიულეტენი



2022 წლის 1 იანვრიდან ამოქმედდა საქართველოს მედიატორთა ასოციაციის განგრძობადი პროფესიული განვითარების პროგრამა

საქართველოს მედიატორთა ასოციაციის 2020-2025 წლების სტრატეგიული განვითარების გეგმის შესაბამისად, განგრძობადი პროფესიული განვითარების პროგრამის მე-11 მუხლის თანახმად 2022 წლის 1-ლი იანვრიდან ამოქმედდა სავალდებულო განგრძობადი პროფესიული განვითარების სისტემა.

აღნიშნული პროგრამა ადგენს, მედიატორებისთვის საგანმანათლებლო და საკვალიფიკაციო მოთხოვნებს, რომლის მიზანია ხელი შეუწყოს მედიატორთა პროფესიული უნარ-ჩვევების და ცოდნის გაღრმავებას, მედიატორთა პროფესიული განვითარებისთვის

პროფესიული განვითარება განგრძობადი პროცესია, რომლის ფარგლებშიც, მედიატორები ფოკუსირებას ახდენენ პიროვნულ და პროფესიულ ზრდაზე, საკუთარი ძლიერი მხარეების თვითშემეცნებაზე და იმ სფეროების იდენტიფიცირებაზე, რა მიმართულებითაც მათ დამატებით ესაჭიროებათ გაუმჯობესება“.

ხაზგასასმელია, რომ ქვეყანაში მედიაციის დანერგვის და ნდობის მოპოვების კუთხით ერთ-ერთ უმნიშვნელოვანეს წინაპირობას წარმოადგენს მედიატორთა განგრძობადი პროფესიული განვითარება. საქართველოს მედიატორთა ასოციაცია მუდმივად მზად არის შესაძლებლობის ფარგლებში იზრუნოს და ხელი შეუწყოს ასოციაციის წევრ მედიატორებს პროფესიულ განვითარებაში“.




ურთიერთთანამშრომლობის მემორანდუმი ქუთაისის უნივერსიტეტთან

„საქართველოს მედიატორთა ასოციაციას“ და „ქუთაისის უნივერსიტეტს“ შორის ურთიერთთანამშრომლობის მემორანდუმი გაფორმდა. მემორანდუმი მიზნად ისახავს - მხარეთა საერთო ინტერესების სფეროში შემავალ აქტუალურ საკითხებზე თანამშრომლობას, მედიაციის ინსტიტუტის განვითარებისა და მისი პოპულარიზაციის მიზნით ერთობლივი ღონისძიებების, პროექტებისა და ინიციატივების განხორციელებას, შესაძლებლობის ფარგლებში უნივერსიტეტის სტუდენტთა და კურსდამთავრებულთა სტაჟირების ხელშეწყობას, საგანმანათლებლო პროგრამების შემუშავება-განახლების პროცესში თანამშრომლობის უზრუნველყოფა. მემორანდუმს ხელი მოაწერეს „საქართველოს მედიატორთა ასოციაციის“ თავმჯდომარემ ირაკლი ყანდაშვილმა და შპს „ქუთაისის უნივერსიტეტის“ რექტორმა გოჩა თუთბერიძემ.



საქართველოს მედიატორთა ასოციაციის რეესტრს ახალი სერტიფიცირებული მედიატორები შემოუერთდნენ




10 თებერვალს, სსიპ „საქართველოს მედიატორთა ასოციაციის“ თავმჯდომარე ირაკლი ყანდაშვილი შეხვდა „საქართველოს მედიატორთა ასოციაციის“ ახალ წევრებს, რომლებსაც სერტიფიცირების პროგრამის დებულების შესაბამისად გაიარეს სამ საფეხურიანი სერტიფიცირების პროგრამა და გახდნენ სსიპ „საქართველოს მედიატორთა ასოციაციის“ ერთიან რეესტრში რეგისტრირებული მედიატორები. სერტიფიცირების პროგრამის დებულების თანახმად, სამ საფეხურიანი პროგრამა მოიცავს: 60 საათიან ტრენინგს, პრაქტიკულ უნარ ჩვევების შემოწმების ეტაპს და რეალური მედიაციის გაძღოლის უნარ-ჩვევების შემოწმებას.

სსიპ „საქართველოს მედიატორთა ასოციაციის,, თავმჯდომარემ ირაკლი ყანდაშვილმა ასოციაციის ახალ წევრებს დაათვალთვალა ასოციაციის ოფისი, გააცნო ორგანიზაციის ფუნქციები, სტრატეგია და სამომავლო გეგმები.

თავმჯდომარემ ყურადღება გაამახვილა და ახლად გაწევრინებულ მედიატორებს გააცნო 2022 წლიდან ამოქმედებული განგრძობადი პროფესიული განვითარების დებულება და მასთან დაკავშირებული დაგეგმილი აქტივობები.

შეხვედრის დასრულებისას ასოციაციის თავმჯდომარემ ირაკლი ყანდაშვილმა ახლად გაწევრინებულ მედიატორებს გადასცა მედიატორის მოწმობები და უსურვა წარმატება პროფესიულ საქმიანობაში!

საქართველოს მედიატორთა ასოციაციის თავმჯდომარე ქუთაისში ახლად ამოქმედებული მედიაციის ცენტრების მედიატორებს შეხვდა




14 თებერვალს, საქართველოს მედიატორთა ასოციაციის თავმჯდომარე ირაკლი ყანდაშვილი და ასოციაციის აღმასრულებელი მდივანი თამარ იმნაიშვილი ქუთაისის სააპელაციო და საქალაქო სასამართლოებში 2022 წლის 1 იანვრიდან ამოქმედებული სასამართლო მედიაციის ცენტრების მედიატორებს შეხვდნენ, რომლებმაც სერტიფიცირების პროგრამის დებულების შესაბამისად გაიარეს სამ საფეხურიანი სერტიფიცირების პროგრამა და გახდნენ სსიპ „საქართველოს მედიატორთა ასოციაციის“ ერთიან რეესტრში რეგისტრირებული მედიატორები. სერტიფიცირების პროგრამის დებულების თანახმად სამ საფეხურიანი პროგრამა მოიცავს: 60 საათიან ტრენინგს, პრაქტიკული უნარ-ჩვევების შემოწმების ეტაპს და რეალური მედიაციის გაძღოლის უნარ ჩვევების შემოწმებას.

სსიპ „საქართველოს მედიატორთა ასოციაციის„ თავმჯდომარემ ირაკლი ყანდაშვილმა ასოციაციის ახალ წევრებს გააცნო ორგანიზაციის ფუნქციები, სტრატეგია და სამომავლო გეგმები. ახლად გაწევრიანებულ მედიატორებს მიეწოდათ ინფორმაცია 2022 წლიდან ამოქმედებული განგრძობადი პროფესიული განვითარების დებულების და მასთან დაკავშირებული დაგეგმილი აქტივობების შესახებ.

შეხვედრის დასასრულს ირაკლი ყანდაშვილმა და თამარ იმნაიშვილმა ახლად გაწევრიანებულ მედიატორებს უსურვეს წარმატება პროფესიულ საქმიანობაში!

საქართველოს მედიატორთა ასოციაციის ბაზაზე შექმნილი სასამართლო მედიაციის ცენტრების კოორდინატორთა მუდმივმოქმედი საკოორდინაციო საბჭოს პირველი შეხვედრა



17 თებერვალს შედგა საქართველოს მედიატორთა ასოციაციის ბაზაზე შექმნილი სასამართლო მედიაციის ცენტრების კოორდინატორთა მუდმივმოქმედი საკოორდინაციო საბჭოს პირველი შეხვედრა. უახლოეს პერიოდში საქართველოს ყველა ტერიტორიულ ერთეულში მედიატორების მომსახურება ხელმისაწვდომი გახდება, კერძოდ, საქართველოს ყველა რაიონულ საქალაქო სასამართლოში, სწორედ აქედან გამომდინარე, ახლად ამოქმედებული სასამართლო მედიაციის ცენტრების ხელშეწყობის მიზნით, საქართველოს მედიატორთა ასოციაციის ბაზაზე შეიქმნა მუდმივ მოქმედი საკოორდინაციო საბჭო. აღნიშნული პლატფორმის მიზანია ხელი შეეწყოს მედიაციის ცენტრების და წარმოდგენილი მედიატორების საქმიანობას და პროცესის ეფექტურ კოორდინაციას.

კიდევ ერთი ახალი სასამართლო მედიაციის ცენტრი გაიხსნა ბოლნისის რაიონულ სასამართლოში



საქართველოს უზენაესი სასამართლოს , სამოქალაქო საქმეთა პალატის თავმჯდომარემ გიორგი მიქაუტაძემ "საქართველოს მედიატორთა ასოციაციის" თავმჯდომარემ ირაკლი ყანდაშვილმა და ბოლნისის რაიონული სასამართლოს თავმჯდომარემ გიორგი გრატიაშვილმა, ბოლნისის რაიონულ სასამართლოში გახსნეს სასამართლო მედიაციის ცენტრი. რეგიონალურ ჭრილში გადადგმული მედიაციის დანერგვის მიმართულებით ეფექტიანი ნაბიჯები უზრუნველყოფს მედიაციის ინსტიტუტის განვითარებას ქვეყანაში. ასოციაცია მუდმივად ცდილობს საზოგადოებას შესთავაზოს ყოველმხრივი მხარდაჭერა, რაც სოციალური მშვიდობის დამყარებას ემსახურება, ბოლნისის რაიონულ სასამართლოში მედიაციის ცენტრის გახსნა ემსახურება მხარდამჭერი და ნეიტრალური გარემოს შექმნას საზოგადოებისათვის, სადაც მხარეებს მიეცემა შესაძლებლობა მაღალი კვალიფიკაციის მქონე მედიატორების დახმარებით სწრაფად და მშვიდობიანად მოაგვარონ თავიანთი უთანხმოება მედიაციის საშუალებით.



„საქართველოს მედიატორთა ასოციაციის“ მხარდაჭერითა და ევროპის უნივერსიტეტის ორგანიზებით დაარსდა კომერციული მედიაციის ეროვნული შეჯიბრი.

ღონისძიება გახსნეს ევროპის უნივერსიტეტის რექტორმა - ნინო ტალიაშვილმა, „საქართველოს მედიატორთა ასოციაციის“ თავმჯდომარემ - ირაკლი ყანდაშვილმა და საქართველოს ადვოკატთა ასოციაციის კომერციული და კონკურენციის კომიტეტის თავმჯდომარემ სალომე ბეჟაშვილმა.

შეჯიბრის გამართვამდე შერჩეული მონაწილეები გაივლიან თეორიულ და პრაქტიკულ გადამზადებას მედიაციასა და მოლაპარაკების წარმოებაში, რომელსაც გაუძღვება პროექტის ხელმძღვანელი - სოფიო დულაშვილი, რომელიც წარმოადგენს „საქართველოს მედიატორთა ასოციაციის“ ეთიკის კომისიის თავმჯდომარეს და ამავდროულად ევროპის უნივერსიტეტის მოწვეულ ლექტორს.


გადამზადების შემდგომ, მონაწილეები დაიყოფიან გუნდებად, რომლებიც ერთმანეთს შეეჯიბრებიან გახსნილ შეჯიბრში, ნახევარ-ფინალსა და ფინალში.

გუნდების დაკომპლექტება მოხდება სხვადასხვა უნივერსიტეტის სტუდენტებისგან. შეჯიბრის შემფასებლები „მსაჯის“ სტატუსით იქნებიან „საქართველოს მედიატორთა ასოციაციის“ მედიატორები, მედიაციის სფეროში თეორიული თუ პრაქტიკული გამოცდილების მქონე სპეციალისტები, მედიაციაში წარმომადგენლობის გამოცდილების მქონე ადვოკატები/იურისტები.

შეჯიბრის თითოეულ ეტაპზე გუნდების შეფასებათა დაჯამებით მოხდება გამარჯვებულის გამოვლენა.

შეჯიბრის ბოლოს გამარჯვებულებს გადაეცემათ სპეციალური ჯილდოები, ხოლო ყველა მონაწილეს მონაწილეობის დამადასტურებელი სერტიფიკატი. პროექტის საუკეთესო მონაწილეებს ასევე ექნებათ შესაძლებლობა ჩაერთონ სტაჟირების პროგრამებში.


კომერციული მედიაციის ეროვნული შეჯიბრი



საქართველოს მედიატორთა ასოციაციის თავმჯდომარე ბოლნისში ახლად ამოქმედებული მედიაციის ცენტრის მედიატორებს შეხვდა

2 მარტს, საქართველოს მედიატორთა ასოციაციის თავმჯდომარე ირაკლი ყანდაშვილი და ასოციაციის აღმასრულებელი მდივანი თამარ იმნაიშვილი ბოლნისის რაიონულ სასამართლოში გახსნილ მედიაციის ცენტრის მედიატორებს შეხვდნენ. სსიპ „საქართველოს მედიატორთა ასოციაციის“ თავმჯდომარემ ირაკლი ყანდაშვილმა ასოციაციის ახალ წევრებს გააცნო ორგანიზაციის ფუნქციები, სტრატეგია და სამომავლო გეგმები. მედიატორებს მიეწოდათ ინფორმაცია 2022 წლიდან ამოქმედებული განგრძობადი პროფესიული განვითარების დებულების და მასთან დაკავშირებული დაგეგმილი აქტივობების შესახებ. შეხვედრის დასასრულს ირაკლი ყანდაშვილმა და თამარ იმნაიშვილმა მედიატორებს უსურვეს წარმატება პროფესიულ საქმიანობაში!

კომერციული მედიაციის ეროვნული შეჯიბრი წარმატებით დასრულდა



საქართველოს მედიატორთა ასოციაციასა და „ევროპის უნივერსიტეტს“ შორის გაფორმებული მემორანდუმის ფარგლებში, ასოციაციის მიერ მხარდაჭერილი კომერციული მედიაციის ეროვნული შეჯიბრი წარმატებით დასრულდა. დაჯილდოების ღონისძიება გახსნა შეჯიბრის ხელმძღვანელმა სოფიო დულაშვილმა, სტუდენტებს მისალოცი სიტყვით მიმართეს ევროპის უნივერსიტეტის სამართლის, ჰუმანიტარულ და სოციალურ მეცნიერებათა ფაკულტეტის დეკანმა - მარიამ ბოჭორიშვილმა და საქართველოს მედიატორთა ასოციაციის აღმასრულებელმა მდივანმა - თამარ იმნაიშვილმა. „საქართველოს მედიატორთა ასოციაციისთვის“ ერთ-ერთ მნიშვნელოვან პრიორიტეტს წარმოადგენს ახალგაზრდა თაობასთან აქტიური თანამშრომლობა. შეჯიბრის ფინალური გუნდების ყველა მონაწილეს ექნება შესაძლებლობა გაიარონ სტაჟირება საქართველოს მედიატორთა ასოციაციაში. ასოციაცია კიდევ ერთხელ ულოცავს თითოეულ მონაწილეს და უსურვებს წარმატებებს!



სამართლის სკოლა და შეჯიბრი მედიაციაში

„საქართველოს მედიატორთა ასოციაციის“ მხარდაჭერითა და ევროპის იურისტ სტუდენტთა ასოციაცია საქართველოს (ELSA Georgia) ორგანიზებით, უკვე მეორე წელია წარმატებით ხორციელდება სამართლის სკოლის შეჯიბრი მედიაციაში, რომლის მიზანია იურისტ სტუდენტებსა და ახალგაზრდა იურისტებში მედიაციასთან დაკავშირებული როგორც თეორიული, ასევე პრაქტიკული ცოდნის გაღრმავება. შერჩეულ მონაწილეებს ერთი კვირის განმავლობაში მედიატორების მიერ უტარდებათ ლექცია-სემინარები მედიაციის შესახებ; აღნიშნული ღონისძიების მიზანია გააცნოს სტუდენტებს მედიაცია, როგორც დავის გადაწყვეტის ალტერნატიული საშუალება.

სამართლის სკოლის დასრულების შემდგომ ყველა მონაწილე ჯილდოვდება შეჯიბრში მონაწილეობის დამადასტურებელი სერტიფიკატით, ხოლო პროექტის საუკეთესო მონაწილეები კი გადიან სტაჟირებას საქართველოს მედიატორთა ასოციაციაში.

საკითხები, რომელთა განხილვა ხდება სამართლის სკოლის ფარგლებში:

- მედიაციის არსობრივ-პროცედურული მახასიათებლები, მედიატორის როლი;
- მედიაციის პროცესი;
- მედიაციის ეთიკური საფუძვლები და პრინციპები; მედიატორთა ეთიკის სტანდარტები და დისციპლინური წარმოების წესი;
- მედიაციის შესაბამისი ვერბალური კომუნიკაცია, ნდობის ჩამოყალიბება, აქტიური მოსმენის ტექნიკები, ემოციების გაზიარება.



სამართლის სკოლა და შეჯიბრი მედიაციაში



elsa

The European Law Students' Association
GEORGIA



საქართველოს
მედიატორთა
ასოციაცია

საქართველოს მედიატორთა ასოციაციის ერთ-ერთ პრიორიტეტს წარმოადგენს მედიაციით დაინტერესებული ახალგაზრდა თაობისთვის ხელშეწყობა!

ურთიერთთანამშრომლობის მემორანდუმი გაფორმდა



„საქართველოს მედიატორთა ასოციაცია“-სა და „მცირე და საშუალო მეწარმეობის განვითარების ასოციაცია“-ს (SMEDA) შორის

„საქართველოს მედიატორთა ასოციაცია“-სა და „მცირე და საშუალო მეწარმეობის განვითარების ასოციაცია“-ს (SMEDA) შორის ურთიერთთანამშრომლობის მემორანდუმი გაფორმდა.

მემორანდუმი მიზნად ისახავს საერთო ინტერესების სფეროში შემავალ აქტუალურ საკითხებზე თანამშრომლობას, ინსტიტუციური განვითარებისა და მისი პოპულარიზაციის მიზნით ერთობლივი ღონისძიებების, პროექტებისა და ინიციატივების განხორციელებას, რომელიც ხელს შეუწყობს საქართველოში მედიაციის, როგორც დავის გადაწყვეტის ალტერნატიული საშუალების დანერგვა/პოპულარიზაციას და მცირე და საშუალო მეწარმეებისათვის მედიაციის მექანიზმის ხელმისაწვდომობას.

მემორანდუმის ხელმოწერამდე სამუშაო შეხვედრაზე, მხარეებმა განიხილეს და დაგეგმეს მემორანდუმის ფარგლებში სხვადასხვა სამომავლო ერთობლივი აქტივობები, რომლებიც ხელშემწყობი იქნება მცირე და საშუალო მეწარმეებისათვის, მედიაციის მექანიზმის ინტეგრაციის კუთხით. შეხვედრის დასასრულს, მემორანდუმს ხელი მოაწერეს სსიპ „საქართველოს მედიატორთა ასოციაციის“ თავმჯდომარემ ირაკლი ყანდაშვილმა და მცირე და საშუალო მეწარმეობის განვითარების ასოციაციის“ (SMEDA)-ს აღმასრულებელმა დირექტორმა - გიგა ფაიქიძემ.



"საქართველოს მედიატორთა ასოციაცია"-ს და აჭარის ავტონომიური რესპუბლიკის უმაღლეს საბჭო"-ს შორის ურთიერთთანამშრომლობის მემორანდუმი გაფორმდა



“საქართველოს მედიატორთა ასოციაციის თავმჯდომარემ” - ირაკლი ყანდაშვილმა და აჭარის უმაღლესი საბჭოს თავმჯდომარემ - დავით გაბაიძემ ხელი მოაწერეს ურთიერთთანამშრომლობის მემორანდუმს. ურთიერთთანამშრომლობის მემორანდუმი მიზნად ისახავს საერთო ინტერესების სფეროში შემავალ აქტუალურ საკითხებზე თანამშრომლობას, ინსტიტუციური განვითარებისა და დარგის პოპულარიზაციის მიზნით ერთობლივი ღონისძიებების, პროექტებისა და ინიციატივების განხორციელებას, რომელიც ხელს შეუწყობს მედიაციის, როგორც დავის გადაწყვეტის ალტერნატიული მექანიზმის აჭარის რეგიონში დანერგვა/პოპულარიზაციას და მედიაციის მექანიზმის ხელმისაწვდომობას. ასევე საზოგადოებაში სხვადასხვა ერთობლივი აქტივობების განხორციელებით მედიაციის შესახებ ცნობიერების ამაღლებას. 2022 წლისთვის დაგეგმილია რეგიონულ ჭრილში ახალი სასამართლო მედიაციის ცენტრების გახსნა, რომლითაც შესაძლებლობა მიეცემა საზოგადოებას მაღალი კვალიფიკაციის მქონე მედიატორების დახმარებით სწრაფად და მშვიდობიანად მოავარონ თავიანთი უთანხმოება მედიაციის გზით. აღსანიშნავია, რომ ურთიერთთანამშრომლობის მემორანდუმის ფარგლებში აჭარის ავტონომიური რესპუბლიკის უმაღლესი საბჭო მხარს უჭერს როგორც აჭარის რეგიონში სასამართლო მედიაციის ცენტრების გახსნას, ისე მედიაციის შესახებ ცნობიერების ამაღლებას და დარგის განვითარების ხელშეწყობას



საქართველოს მედიატორთა ასოციაციის“

თავმჯდომარე, ირაკლი ყანდაშვილი გაეროს განვითარების პროგრამის

UNDP - ის მუდმივ წარმომადგენელს ნიკ ბერესფორდს შეხვდა

საქართველოს მედიატორთა ასოციაციის თავმჯდომარემ ირაკლი ყანდაშვილმა გაეროს განვითარების პროგრამის (UNDP) მუდმივ წარმომადგენელს ნიკ ბერესფორდს შეხვედრაზე გააცნო საქართველოში მედიაციის (როგორც დავის რეგულირების ახალი მექანიზმის) მიმდინარე პროცესის შესახებ ინფორმაცია. შეხვედრაზე განიხილეს მედიაციის განვითარების განვლილი ეტაპები, სადაც ირაკლი ყანდაშვილმა ხაზი გაუსვა, იმ ფაქტს, რომ უკანასკნელი ორი წელი გარდამტეხი ცვლილებების წლები იყო მედიაციისთვის - ამოქმედდა მედიაციის შესახებ საქართველოს კანონი, დაარსდა საქართველოს მედიატორთა ასოციაცია, შემუშავდა 2020-2025 წლების სტრატეგიული

განვითარების სამოქმედო გეგმა, მედიატორთა სერტიფიცირების წესი ევროპელი ექსპერტების ჩართულობით და რჩევების გათვალისწინებით, რაშიც უდიდესი წვლილი მიუძღვის ევროკავშირისა და გაეროს განვითარების პროგრამას (UNDP). ასევე აღინიშნა, რომ საქართველოს მედიატორთა ასოციაციას აქვს წამყვანი როლი საქართველოში მედიაციის ინსტიტუციონალიზაციასა და განვითარებაში, მედიაციის პოლიტიკის წარმართვაში, ინტერესებზე დაფუძნებული ურთიერთშეთანხმების კულტურის დამკვიდრებაში. ასოციაცია დაფუძნების დღიდან ზრუნავს მედიაციის ინსტიტუტის განვითარებაზე და ხელს უწყობს მედიაციის პროფესიას, რომ გახდეს მეტად პოპულარული, პრესტიჟული და მოთხოვნადი დარგი, ხოლო მედიატორის სერვისის გამოყენება სანდო და ეფექტიანი. ირაკლი ყანდაშვილმა შეხვედრის დასასრულს მადლობა გადაუხადა გაეროს განვითარების პროგრამის (UNDP) მუდმივ წარმომადგენელს ნიკ ბერესფორდს მედიაციის და ახლადდაფუძნებული „საქართველოს მედიატორთა ასოციაციის“ საქმიანობის მხარდაჭერისთვის. ასოციაცია გამოთქვამს მზადყოფნას შემდგომი ერთობლივი თანამშრომლობისთვის.

საქართველოს მედიატორთა ასოციაციის ორგანიზებით ჩატარდა მედიაციის/მედიატორის ტრენერთა ტრენინგი (TOT)



საქართველოს მედიატორთა ასოციაციის ორგანიზებით და USAID-ის სამართლის უზენაესობის პროგრამის მხარდაჭერით განხორციელებული მედიაციის/მედიატორის ტრენერთა ტრენინგი (TOT) წარმატებით დასრულდა.

ტრენინგი მიმდინარეობდა იუსტიციის უმაღლეს სკოლაში 4 დღის განმავლობაში, რომელსაც უძღვებოდნენ გაეროს განვითარების პროგრამის ფარგლებში უცხოელი ექსპერტის მიერ გადამზადებული ასოციაციის ტრენერები: ნათია ჩიტაშვილი, სოფიო ჩაჩავა, ლაშა კალანდაძე და თორნიკე ბაქრაძე.

ტრენინგის მონაწილეებს მისასალმებელი სიტყვით მიმართეს საქართველოს მედიატორთა ასოციაციის აღმასრულებელმა მდივანმა თამარ იმნაიშვილმა და USAID სამართლის უზენაესობის პროგრამა საქართველოში, ADR მიმართულებით მრჩეველმა სოფიო ტყემალაძემ.

“საქართველოს მედიატორთა ასოციაციის” მედიატორთა სერტიფიცირების პროგრამის დებულების მე-3 მუხლის შესაბამისად განხორციელდება ტრენინგში მონაწილე პირთა ჩარიცხვა ასოციაციის ტრენერთა ერთიან რეესტრში . საქართველოს მედიატორთა ასოციაცია ულოცავს და წარმატებას უსურვებს თითოეულ მონაწილეს !

